



**Prishtinë, 23 qershor 2016**  
**Kodi i ZRRE-së: V\_831\_2016**

**Bordi i Zyrës së Rregullatorit për Energji,**

Bazuar në:

- Nenin 8 paragrafi 1 nën paragrafin 1.6 të Ligjit për Rregullatorin e Energjisë nr.03/L-185;
- Neni 10 dhe shtojca 1 e Procedurës për identifikimin dhe parandalimin e shfrytëzimit të paautorizuar të energjisë elektrike;
- Kërkesën e KEDS-it të datës 23.05.2016 për përditësimin e shtojcës 1 së Procedurës për Identifikimin dhe parandalimin e shfrytëzimit të paautorizuar të energjisë elektrike – Forma e re e procesverbalit e cila do të gjenerohet nga pajisja e dorës.

në mbledhjen e mbajtur më datë 23 qershor 2016 e nxori këtë

**VENDIM**

- I. APROVOHET** kërkesa e KEDS-it për plotësimin e shtojcës së Procedurës për Identifikimin dhe parandalimin e shfrytëzimit të paautorizuar të energjisë elektrike me Formën e re të procesverbalit i cili do të gjenerohet nga pajisja e dorës.

**Arsyetim**

- Zyra e Rregullatorit për Energji me datë 23.05.2016 ka pranuar nga KEDS-i kërkesën për plotësimin e shtojcës 1 të Procedurës për Identifikimin dhe parandalimin e shfrytëzimit të paautorizuar të energjisë elektrike. Kërkesa e KEDS-it ka për qëllim që përpilimi i procesverbalit nga punëtorët e autorizuar të KEDS-it të bëhet përmes pajisjes së dorës (në mënyrë automatike). Forma e procesverbalit e cila do të gjenerohet nga pajisje e dorës do të përmbajë një formë standarde të të gjitha procesverbaleve të përdorura deri më tani nga punëtorët e KEDS-it, si: procesverbalin e inspektimit, procesverbalin e shkyçjes dhe rikyçjes, procesverbalin e ndërrimit të njehsorit elektrik, si dhe procesverbalin e lidhjeve të reja.
- ZRRE ka shqyrtuar kërkesën e KEDS-it për plotësimin e shtojcës 1 të procedurës së cekur më lartë dhe vlerëson se kjo formë e re e procesverbalit propozuar nga ana e KEDS-it e cila do të gjenerohet nga pajisja e dorës përmban procesverbalin e inspektimit, shkyçjes dhe rikyçjes, ndërrimit të njehsorit elektrik dhe se të gjitha këto aktivitete do të kenë një formë standarde të procesverbalit. Pra, përderisa KEDS-i deri më tani ka përdorur katër forma të ndryshme të procesverbaleve, tani Forma e re e procesverbalit do të unifikohe në një procesverbal të vetëm dhe e cila do të gjenerohet përmes pajisjes së dorës.
- ZRRE konstaton se forma e re e procesverbalit të inspektimit është në të mirë të konsumatorëve, pasi që do të minimizoj gabimet gjatë përpilimit të procesverbalit, informatat do të jenë vazhdimisht të përditësuara, si dhe në çdo kohë mund të verifikohet inspektimi i pikës matëse, pasi pajisja e dorës e ka edhe modulin e GPS, e cila mundëson një verifikim të tillë.

- Bazuar në shtojcën 1 të Procedurës për identifikimin dhe parandalimin e shfrytëzimit të paautorizuar të energjisë elektrike ZRRE ka mandat ligjor të bëjë vetëm aprovimin e procesverbalit të inspektimit, sidoqoftë:
  - sa i përket procesverbalit të shkyçjes dhe rikyçjes, ndërrimit të njehsorit elektrik dhe lidhjeve të reja, ZRRE vlerëson këto forma përmbajnë të gjitha elementet të cilat janë në dobi për konsumatorët dhe vlerësojmë pozitivisht unifikimin e tyre në një procesverbal të vetëm.
  - në rastet e keqpërdorimeve të energjisë elektrike, ZRRE vlerëson se forma e procesverbalit e cili do të përdoret nga Operatori i Sistemit të Shpërndarjes (KEDS), duhet të jetë i çfarëdo formati i cili udhëzohet nga institucionet e zbatimit të ligjit, dhe si të tilla ZRRE nuk ka vlerësim për këtë procesverbal.


II. Vendimi nxirret në gjuhën shqipe dhe do të përkthehet në gjuhën serbe dhe angleze. Në rast të mospërputhjes në mes të versioneve, do të mbisundojë versioni në gjuhën shqipe.


III. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.


**Këshillë Juridike:** Pala e pakënaqur me këtë Vendim mund të iniciojë konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodhë e fundit.


**Bordi i ZRRE-së:**

  
Enver Halimi, kryesues

  
Krenar Bujupi, anëtar

  
Arsim Janova, anëtar

  
Qemajl Mustafa, anëtar

  
Besim Sejfiqaj, anëtar

**Vendimi iu dërgohet:**

- KEDS-it,
- KESCO-s, dhe
- Arkivit të ZRRE-së.